

საქართველოს მთავრობის

დადგენილება №231

2025 წლის 24 ივნისი

ქ. თბილისი

„ეკონომიკური საბჭოს შემადგენლობის, უფლებამოსილებისა და საქმიანობის წესის განსაზღვრის თაობაზე“ საქართველოს მთავრობის 2022 წლის 26 დეკემბრის №592 დადგენილებაში ცვლილების შეტანის შესახებ

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „ეკონომიკური საბჭოს შემადგენლობის, უფლებამოსილებისა და საქმიანობის წესის განსაზღვრის თაობაზე“ საქართველოს მთავრობის 2022 წლის 26 დეკემბრის №592 დადგენილებაში (www.matsne.gov.ge, 28/12/2022, 010220030.10.003.023803) შეტანილ იქნეს ცვლილება და:

1. დადგენილების:

ა) პირველი მუხლი ჩამოყალიბდეს შემდეგი რედაქციით:

„**მუხლი 1.** „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5 მუხლის „თ“ – „კ“ ქვეპუნქტების, მე-6 მუხლის პირველი პუნქტისა და 29-ე მუხლის საფუძველზე, ქვეყნის ეკონომიკური პოლიტიკისა და ეკონომიკური სტრატეგიის შემუშავებისა და დაგეგმვის კოორდინაციის მიზნით, განისაზღვროს ეკონომიკური საბჭოს (შემდგომში – საბჭო) შემადგენლობა:

1. საქართველოს პრემიერ-მინისტრი – საბჭოს თავმჯდომარე.
2. საქართველოს პრემიერ-მინისტრის მთავარი მრჩეველი ეკონომიკურ საკითხებში – საბჭოს მდივანი.
3. საქართველოს ეკონომიკისა და მდგრადი განვითარების მინისტრი – საბჭოს წევრი.
4. საქართველოს ფინანსთა მინისტრი – საბჭოს წევრი.
5. საქართველოს რეგიონული განვითარების მინისტრი – საბჭოს წევრი.
6. საქართველოს ინფრასტრუქტურის მინისტრი – საბჭოს წევრი.
7. საქართველოს გარემოს დაცვისა და სოფლის მეურნეობის მინისტრი – საბჭოს წევრი.
8. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრი – საბჭოს წევრი.
9. საქართველოს სახელმწიფო უსაფრთხოების სამსახურის უფროსი – საბჭოს წევრი.
10. საქართველოს მთავრობის ადმინისტრაციის უფროსი – საბჭოს წევრი.“;

ბ) 1¹ მუხლი ჩამოყალიბდეს შემდეგი რედაქციით:

„**მუხლი 1¹.** საბჭოს მუშაობაში, საკითხის შინაარსიდან გამომდინარე, მონაწილეობის მიღება ეთხოვოთ საქართველოს მთავრობის წევრებს, საქართველოს პარლამენტის წევრებს, მუნიციპალიტეტების მერებს, საქართველოს ბიზნესომბუდსმენს და სხვა ადმინისტრაციული ორგანოს ხელმძღვანელ პირებს.“.



2. დადგენილებით დამტკიცებული „ეკონომიკური საბჭოს დებულების“:

ა) მე-3 მუხლი ჩამოყალიბდეს შემდეგი რედაქციით:

„მუხლი 3. საბჭოს მოწვეული წევრები

საქართველოს მთავრობის დადგენილებით განსაზღვრული საბჭოს წევრების გარდა, საქართველოს პრემიერ-მინისტრის გადაწყვეტილებით, საბჭოს სხდომაზე შეიძლება, მოწვეულ იქნენ ადმინისტრაციული ორგანოსა და კერძო სამართლის იურიდიული პირების წარმომადგენლები.“;

ბ) მე-5 მუხლი ჩამოყალიბდეს შემდეგი რედაქციით:

„მუხლი 5. საბჭოს საქმიანობის უზრუნველყოფა

1. საბჭოს ორგანიზაციულ-ფინანსურ მხარდაჭერას უზრუნველყოფს საქართველოს მთავრობის ადმინისტრაცია.

2. საბჭოს მდივნის საქმიანობა შესაძლოა, იყოს ანაზღაურებადი.“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი კობახიძე

